



# Qafar Afih Maybalaalaqah Ayyufta

## *Afar Newsletter*

Qafar Afih Maybalaalaqah Ayyufta, 2<sup>hayto</sup> Bilu: Loowo 15: Liggidak: 2012, Alsak, Ciggilta-Kudo, March  
**Bicissaah Xayyosam: Gifta. Macammad Qalii kee Qammo**  
Email: [sidiicaamo1@yahoo.com](mailto:sidiicaamo1@yahoo.com)

### ADDAL GEYTIMTAM

#### Page 1

Sidiicaamoh, Emeelih Sigma, Page 1  
Qafar Sidiicamoh Karta, Page 1

#### Page 2

Qafar Gannageyo, Qali Datoh Taqziya, P.2  
Casan Piiloot, Qali Dato-  
Wagsiisaak xayyooyse Heebal, Page 2  
Qaafiyatak taysem matan, Page 2  
Biyak Qaynata, weeloo kee Asta, Page 2



#### Page 3

Missila, Page 3  
Tu mabulu, Page 3  
Qafar Aydaadu, Suldaan. M. Yayyo, Page 3

#### Page 4

Qafar Afak Yabti Rakiibo, Page 4  
Danan Dorrok raqte exxa, Page 4  
Afar Afaih Maybalaalaqah Ayyufti sigma, P.4

## Sidiicaamo Karta



## MAXCO!

Wano (Mano) kok Sidiiccaamoy Waydala,  
Qaxa kak faxan Sidiicaamoliy,  
Uma Xaltanik, numuh taysiyi

**MAYSAXXAGA!**

Ah Alsak inki adda Tawqe, Qafar Afaih  
Maybalaalaqa. Ta Maybalaalaqa, ahak  
tayse gidah, kulli num Gabah assagolla  
edde yaallem esserna. Ahim dadaltuh,  
anni yayse itta malaa kee fayy  
siinik qamballa.

Wohu kalah kaadu, Esser kee Taaxigeenim  
faxxaanam teelleenik ahak gubal yan-  
Emailih gitaak neh rubtaanam esserna.

Email (Emeel) sigma nek  
[Sidiicaamo1@yahoo.com](mailto:Sidiicaamo1@yahoo.com)

Copyright©2012

Macammad Qali & Qammo

## GANNAGGEYO, QALI DATO



## QALI DATOH HEEBAL

### GANNAGIYO, QALI DATO WAGSIISAK, SQAL, CASAN PILOOT XAYYOSE HEEBAL

A saaku rookat anyô kal, Mayyu halló  
Yi wanna weeqissam, Inti yok le Ximó  
Sarrak aabuke waa Lubak, culem Xiikó  
Ni Gicl'aabey, rookat ayyó Qali Datoh  
Nabii Xaquuk heele, Gannat Figi koo

Luk sugem Qabalat, Qali Qafar gicló  
Xin kurak yen, isi Ummatt edde tan xuk-  
koh

Baxsak engela nek ye, nan Qafar Xaylok  
Imbiday Baritâ ye, Xukkok awqennok  
Koh gacisnu maduudna, fanna way Galtó

Dato Baxah, Buxal sugte, miqmariinó  
Konnabay ku maqaane, tayse misliinó  
Taabakay ku niyat, tenem Migaq gicló  
Kok kataatennom, raatiseh meqe tubló  
Lem ku Rooka tawy, Qafar Sidiicaamol

## CASAN PILOOT



## QAAFIYATAK TAYSEM MATAN, KAA WAANAMAK GACTAM MATAN

### SAAXIS / HIV / AIDS

HIV/ AIDS ingiliidih afat maqna kak HIV = human immuno-deficiency virus iyyaanama. Qafar afat sahdaytuk xagarak gino kalalu boolaasa Bayres yaanama. AIDS = Acquired immunodeficiency syndrome iyyaanam. Qafar Afat ginok kalalih boolak mango qaynatih biyooka geyta yaanama.

### BIYAK QAYNATA

AIDS, kak yaanam kaxxam uma dalka. A biyak baaha bayres (virus) xagarat culeek lakal amixxige ikkal sugga iyyah sarra xagarat yambulleeh xagar biyaakaah ellicabol qidah. A biyak xeflih labhaytuu kee barra fidol abta angaarawak yabbixe. Takkay immay wohuk kalah a biyak le numih qabal xage duyye haysiteenik kaadu tabah. A biyaakak mano geytintem farangi sanatih loowol sanat 1981. Wohuk dumal sanat 1970t yan saakuuk yenem bictah. Afrikah baaxooxal a biyak osak osaah mango maray tu baritto leh iyya sela. Axcihiiy barseenitiiy dayla abaay doolat abbottiiy qarwa xisa maraay w.w.yan mara selak geytima. Tohuk gexxaamah elle soola innih cubbi kak abeh meqe biyaaka. Ceelalloh inki inki ayyuntih addal kaxxa quukih makaayin beyta suferwak boolul kontom (50%) gaba ta biyak baaha bayres qabalat alle ikkal mara-aqta yaanam tan.

### WEELOO KEE ASTA



A biyak baaha bayres xagarat edde cule 2 ayyam kee 3 alsa fan yan udduurih addat mango mari dago uddur fanah xagaral laqna luk sugaah xagar keenik boolaatah. Too gurral inki (1) ayyaaamaak namma (2) ayyaamih fan suga. Tohuk wadir 5 sanat kee 7 sanatih fanat hebeltoh asta xagaral kaak anbullee ikkal sugta. Tohuk wadir asta xagarat kaak tambulleem qembissa. Xagarak biyak waasa selwa taamite waytaamih sabbatah sissin qaynatih biyaakih gadda yakke. Alil biyaakaay, sarra qabal dagnah beyah iyya too waqdi koo yabbixeh yan biyaakak teena. Tohuk kalah xagar arabal yawqe daleelaay, (mayfale) afti daleelaay, sarra katlal yawqeey, geerak aggiriqqe sinni bagi gexoo kee xagaral daleeli kok yawqe. Eedis le marak mango mari taas baaha. Toh kah takkem xagar leh yan kalali boolaataamih sabbata. Eedis le marak maaqo fayxi daggowtaah xagar kaak qakkootaah xagaral laqna kaak gexxa. Aliiba kaak duddubtaah xagor kaak mugah. Eedis mango qaynat laahibaxxa koo bahsiisa. Xeflih masangale laahibaxxa kee misinkica kas kok cabsiisa biyak koo bahsiisa. **H I V** le mari Herbis Soster (herpes zoster) deqsita biyaakay, xagaral xokto kak gexxe numih qaynatih innaah albo xagaral yayyaaqe biyak baaham duudah. Tama biyaaka kaxxa qansaru le.

## MISSILA

Kas waanâ kal, kasle mawaaná  
Abba yablem, abbah mayablan  
Xiqto waanâ kal xintó mawaana  
Aba waanâ kal, abaanam mawaaná  
Baadak yamcuggeenih, baalak  
baadanah;

Garris gar mali, kaabaah tu taani,  
tu mali kaaba;  
Abba mali caxal moobay,  
Caxak mooroba;  
Malah ko uxbaanaah,  
maaluh ko oxbaanah  
Foddah maanaakare,  
Canak acayya.

## TÛ MABULU



Sinaamah anaakarray,  
Ninni af kee Qaada cabe waynay,  
Nassakaxxay dadlisnay,  
Mari Qaada sale, mari nagra,  
Mari koo nagre-way yaanam dooqah  
tan;

Xalay kee Daal ni Af le Sayyot abnay,  
Af luk af maleela ceela marak af baya,  
Sinni Qaadak, marin qaadah lafta,  
marak Qaada bayta;

Nek fola Gadda luk, marin gadda  
macah fannaa. Ni Gaddat mari  
cayyam, matableena. Tanim able  
waynek, takku wam mannal ablenno.



**NINNI BAAXO NINNIH NABQARAY  
DADLISNAY, TEETIL NAKKAY**

## QAFAR AYDAADU

**Bicisseh Xayyossem:-**  
J.Q.Reedo



Sultaan Macammad Yayyo

**SULTAAN  
MACAMMAD  
YAYYO**

**1926- 1943  
AWSI  
AMOYTAH  
SUGE-**

**REEDAL  
SUGEM,17  
LIGGIDA**

**Sultaan Macammad Yayyo Illalta**, daddas Yayyok kaxxa baxaay, usuk elle rabê kel Awsi Amoyta yekke. Toh Hijra loowok Rabiiq Alaakherik **8/1345<sup>uk</sup>** ten. **F.L.L. 1926<sup>ten</sup>**. Etoppiyah Liggidih loowok 1920<sup>ak</sup> ten. Kay Reedá Daddas Yayyo 8 takke xayloh fanak isih farriimeh cabeemih sabbatah, qimbol, kaxxá falma maallinna. Sarrah Daddas Yayyô xaylok **kaxxa Macammad kee Qunxa Macammad** inkih, doolat koro kaal abaanam gabbateenih immay, keenil mabicinna.

**Sultaan Yayyo** elle Reedê kel Naharsi Waziirih **Yayyo Cammadu** muggaaqisé. Kutbe Abee kee 2<sup>hayto</sup> Waziirih, **Qusmaan Macammad Naakuda** doore. 3<sup>hayto</sup> Waziirih **Casna Qaliy** kay abbah daban Waziirih suge doore. Sulnaan Yayyo, Awsi Amoyta elle yekkê kel Addis Ababa gexe. Tokkel, Illalta Hayle Sillaaset yongoorowe. Illalta Ceyle Sillaasee kee kay fanat, Tilyaan Itoppiyah abbaxah dadho bahtâ fan, meqe qalli suge. Takkay immay, Tilyaan qande baaxó tibbixeeh, Illalta Cayle Sillaase debboh Ingiliize baaxó elle yekkê kel, Sulnaan Macammad Yayyo, tilyaan Doolat luk bica haysite.

### IRÔ CAAGIIDAH QALAAKAT KEE KOBBAHISSO

Tilyaan doolat kee kay Qalli dadalak elle maacise kel, Tilyaan Cukuumat, Sultan Macammad Yayyo Rooma beyte. Tokkel, Tilyaan Doolatak Cukuumata Abbah suge, Muusoliinit yongoorowe. Tilyaan Cukuumat, Sulnaan Macammad Yayyoh, Makiina kaadise. Sulnaan Macammad kaadu, Cabasha Nuguusa elle Reedak sugte Firaashay, **Lij Iyaasu**, Qalek gabat haabeh iyya, kaadoh Muusoliinih yece. Sulnaan Macammad Yayyo kee Tilyaan Doolatih qallak gexxam, Illalta Hayle Sillaasee kee Sulnaan fanat naqbi gace. Ken fan bisaanam kaadu makiina. Kalah kaadu, Sulnaan kee kay Waziirih suge, **Cammadi Yayyoh** fanat sittinway yooboke. Too umaane, Sulnaan Macammad Yayyoy, faalujuh Qarkayto num yekkeh sugeh abbax kee casbit cabte. Elle caboh, Itoppiyah L. L. 1936, Frangi L.L. 1943, Sulnaan Macammad Yayyo, Addis Ababal woo casbit rabe.

### MASSOSSEH XAYYOSSEM

**J. A. REEDO  
QUSBA MACCA**

**F.L.L. 2009/ (I.L.L 2002)**

Massossem: Qafar Afih Maybalaalaaqah Ayyufta, 2012

## QAFAR AFAK YABTI RAKIIBO

### QAFAR AFAT QUSUBIH OSSIMTE 4 XAGISSOOSAY AAXIGEHE MEQE

1. KAQITTA XAGISSA
2. XUKKUTTA XAGISSA
3. XAKATA XAGISSA
4. MAKTA XAGISSA

Tahak dagal tan xagissoosa kah faxximtem kee edde faxximta arac inkih sitta lih tiya tiyah bartenno. Naaharak **KAQITTA XAGISSA** bartenno.

Yangayyi, mayangayyi elle faxxiimannal afeytisu duude waa waqdi, edde qokkolsimaah cattimam xagissoosa. Kaqitta xagissa (^) = kaqita. Kaqita taamittam, naharsi qangara yangayyit taadeeh, ciggiltà qangara mayanagayyik qimbissa waqdi. Is, naharsi qangara edde taade yangayyi warah amot gacta. Takkay ikkal xongolol nammiinissam ciggiltà qangara kak qimbissa mayangayyi wara. Kaqita mallo (ikoytiinu) tascasse. Ciggiltà qangaray, is amot kak tani tookome qangarah, ikoyta kinnim tambullee. Is koonaa yangayyih amot inkih gacta.

### CEELALLO

#### ELLE TANKUTTUBENNA

Raytâ cana  
Waarê wadara  
Aytî qokka  
Cammô Qali  
Kayyû koori

#### ELLE TANKIRIYENNA

Reytaccana  
Waarewwadara  
Aytîqqoka  
Cammoqqali  
Kayyukkoori

### MASSOSSEM

**GIFTA J. Q. REEDO**  
**QAFAR AFIH QAAQISEYNA**

**QAFAR AFIH BARITTOH WEB ARCA**  
<http://www.berraka.com>

## DANAN DORROK RAQTE EXXA


Qafar kee Danan inkih assommat taniih, Danan dorro uxih gaba makalooy, gexot tan. Away ahak gubal tan dorrol - Danan edde yaabam ayselem yekkeleh eleelite magaalal sinam kaal bahteemit yaaba.



Ah lakat maca leeh ,yinabsi maxxaccooy Kaxxam ifriceeh, ayro geem tasaaku exceh Mandaral qasa, qaad maleela yoh sugteeh Kamma Yallak, asuule waam yoh aysuk ten Edde usuule raqid, daleela yok yekke Edde emeete mayiina, riira yok tekke

Caari maaqiyo yok, sanaadirit radde Yaamo wayte kasah, yinabsih affaf weeh Taysem akkaluk oobe, qurdi yoh gacteeh Yoh xuwaa weleeh, orbe labha yoo qidde Arciba ekkelem, arcida datek sugteeh Affaf ekkelem, arqo raaqisak sugteeh

Qusba gubtî maqaane, yaamo teylemmeh Kak kudem taqabiy, rabah fan orba abe. Sidiica saarak owwe may, baabur ekkeeh Sorkoco-baxi yok sadeh,m nuway mayyu Yalli ken mugusay, mugussa yoo heenih Haamisak gileh inni baaheeh, qaad mayyu Gahannabat kuxuqqa excee, awqu igiyyo iyye.



**QAFAR AFIH MAYBALAAQAH AYYUFTA, 2<sup>HAYTO</sup> BILO, LOOWO,  
14 LIGGIDAK: 2012 ALSAK, CIGGILTA-KUDO- MARCH.**

**TA Q.A.M.A. BICISSA AH XAYYOSSAM**  
**GIFTA. MACAMMAD QALII KEE QAMMO**  
**TA Q.A.M.A. ELLE TAWQEM. QAFAR NETWORK**  
**EMAIL: SIDICAAAM01@YAHOO.COM**